

Museo Historico di Aruba tin mester di bo cooperacion

ORANJESTAD (AAN): Na September 2003 Museo Historico di ARUBA a bolbe habri su portanan pa brinda comunidad Arubano parti di nos historia y cultura. Actualmente tin un exposicion completamente nobo y hopi interesante instala den e museo cu ta situa den Fort Zoutman, Willem II Toren.

Museo tin mester di mas guia pa duna splicacion na

nan bishitantenan. Pa e motibo aki Museo Historico ta buscando interesadonan a base voluntario pa e momentonan cu Museo tin mester di yudanza. E posibilidad ta existi semper cu e guia por forma su mesun gruponan, p.e. na hotelnan y cobra un suma chikito pa e

servicio.

Personanan interesa lo tin e oportunidad di sigui un curso hopi interesante cu lo tuma lugar ariba diasabra 15 di mei y diadomingo 16 di mei proximo cual lo ser duna pa Sr. Hans Willemsen, kende ta un guia profesional na e Museo Africano Kura

Hulanda nan Curaçao.

Interesadonan por yama Sr. Karel Goedgedrag, museum-manager, durante oranan di oficina na 588-5199 of 582-6099 pa inscribi.

E lo ta un trabao interesante y di hopi balor, cu cual por siña mas di nos mesun

balornan di antes. Mientras por mostra otronan cu ta bishita nos museo, tocante e cultura y historia di nos antepasadonan.

Museo Historico di Aruba kier a manda un gradicimento na UNOCA cu a haci e realizacion di proyecto aki posible.